



Broj: 04-40-1-3/23
Sarajevo, 04.01.2023. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ **za period od 08:30 sati 30.12.2022. do 08:30 sati 04.01.2023. godine**

Uslijed značajnog rasta koncentracija zagađujućih PM 10 čestica, kao i prognoziranih vremenskih prilika, Ministarstvo komunalne privrede, infrastrukture, prostornog uređenja, građenja i zaštite okoliša KS je, dana 03.01.2023. godine nakon prijedloga Stručnog tijela, proglasilo epizodu „Upozorenje“ za područja općina Novi Grad, Novo Sarajevo, Stari Grad, Centar, Ilidža, Vogošća i Ilijaš dok je za područje općine Hadžići proglašena epizoda „Pripravnost“, uz primjenu interventnih mjera.

Proglašenje epizode „Upozorenje“ za područja navedenih općina, podrazumijeva da su u tim zonama na snazi ujedno i mjere iz epizode „Pripravnost“.

U izvještajnom periodu Kantonalni operativni centar civilne zaštite primio je jednu informaciju o pronalasku NUS-a i to dana 01.01.2023. godine u 13:21 sati, od Policijske stanice Ilijaš, da je na livadi pored groblja, ulica Stari drum br. 98, pronađen jedan NUS.

O primljenoj informaciji obaviješteni su pripadnici Tima za UES Federalne uprave civilne zaštite, koji su preuzeli i zbrinuli pronađeno eksplozivno sredstvo.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo imali su 38 intervencije, od toga jednu veću i 37 manjih intervencije.

Veću intervenciju su imali dana 31.12.2022. godine u 14:23 sata u mjestu Ostojići, Općina Trnovo, na gašenju zapaljenog niskog rastinja. Požar je lokaliziran u 15:55 sati, a likvidiran u 16:30 sati. U gašenju požara učestvovalo je osam vatrogasaca sa tri vatrogasna vozila.

Manje intervencije: gašenje zapaljenog smeća u kontejneru (11), gašenje niskog rastinja (2), gašenje zapaljenog automobila (2), gašenju zapaljenog stabla (1), gašenje kotlovnice (1), gašenje električnih instalacija (1), gašenje dimnjaka (3), jedan izlazak na lice mjesta po dojavi da se u stanu zgrade pojavio dim, jedan izlazak na lice mjesta po dojavi da gori kuća (lažna dojava), 4 obezbjeđenja

javnih skupova, 10 tehničkih intervencija (3 na otvaranju zaglavljenih vrata, dvije na otvaranju vrata zaglavljenog lifta, 3 asistencije nakon saobraćajnih udesa, jedna asistencija na pravljenju bine za kulturni događaj i jedna asistencija policiji na skidanju drona sa zgrade).

NAPOMENA: U protekla 24 sata pripadnici Profesionalne vatrogasne jedinice Kantonalne uprave civilne zaštite Kantona Sarajevo imali su 5 manjih intervencija: gašenje smeća u kontejneru, gašenje starih automobilskih guma na otvorenom prostoru i tri tehničke intervencije (dvije asistencije medicinskim ekipama nakon saobraćajnih udesa i otvaranje zaglavljenih vrata stana).

Iz općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo uredno su snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 4°C, vlažnost zraka 99%, barometarski pritisak 953 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA
Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a